



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

22. Quid sit de illoru[m] qui consecrant in missa vtra[m]q[ue] speciem,
sed ministrant ægro speciem vini?

urn:nbn:de:hbz:466:1-41077

irregularitas, nisi iure exprimatur. Neque simile est, quod ex Anthonino adiungitur, qui enim suspensus est à celebrando, hoc ipso suspensus est à consecrando, ac proinde, si consecret, irregularitatem incurrit, usurpando actum à quo suspensus est. At in priore casu non supponitur suspensus, sed solum potestate sacerdotali abusus: nō autem propter solum abusum potestatis irregularitas incurritur, nisi iure exprimitur.

QVÆSTIO XXII.

Quid sit de illorum, qui consecrant in Missa vtramq; speciem, sed ministrant e-gro tantum speciem vini?

Quæstionis explicatio.

ECclesia grauiſſimis ex causis adducta, vsum calicis in administratione huius sacramenti omnibus inſubuit, præterquã sacerdotibus sacrificatibus, vt patet ex Conciliis, (a) Constantienſi & (b) Tridentino, quod aperte dicit, Eccleſiam decreuiſſe, conſuetudinem communicandi ſub ſpecie panis pro lege habendam: Nihilominus accidit ſæpe tempore peſtis, vt veniat viaticum dandū illis

a Seſſ. 13.
b Seſſ. 21. c. 2.

illis, qui non possunt sumere speciem panis, vt statim dictum est. Idcirco quaritur, quid dicendū de hoc modo, si pastor consecret quidem vtramq; speciem, sed ministraret tantum sub specie vini?

Responsio.

Eodem modo reprobandus est, quo duo superiores, non tamen ex iisdem causis, quia hic ponimus pastorem integrum sacrificium conficere, sed illa maxime ratione, quia pro hoc tempore est contra vniuersalem Ecclesiæ Consuetudinem. Quocirca non posset sacramētum sic ministrari sine plurimorum scandalo & irreuerentia sacramenti, præsertim quod peste infectis à mente sæpe alienatis, non possit species vini eorum ori infundi sine periculo effusionis, vel similis irreuerentiæ.

Dices primo. Decretum olim fuit, atq; adeo vsu receptum in ecclesia, vt sola species vini daretur iis ægrotis, qui non possent specie panis deglutire, vt habemus ex Conciliis (a) Carthaginensi & (b) Toletano.

a Conc. Car.

4. can. 76.

b Conc. Tol.

11. can. 11.

¶ Hunc morem iam diu obsoletum esse, & in desuetudinem abiisse propter irreuerentiam, quæ in eo frequentius, etiam à pijs fidelibus, huic sacramento inferebatur.

Z z Dices,

Dices secundò. Ius diuinum de sumendo in articulo mortis sacramento, videtur præferendum ecclesiastico de illo sumendo tantum sub specie panis, & non vini.

R. Inprimis hunc casum, moraliter loquendo, vt nunc loquimur, vix esse possibilem, quia qui potest traicere species vini, potest etiam paruam saltem hostiæ consecratæ particulam.

Deinde, vt admittatur ille casus rarissimus, propter illum solum non oportet statim concedere hanc licentiam, quia alias daretur indiscretis ministris occasio ampliandi illam, & immutandi ritus & vsus Ecclesiæ, quod magnam in Ecclesia parere posset confusionem. Vnde parochus tunc nolens dare sacramentum iure excusabitur, quia propter bonum publicum & reuerentiam sacramenti id facit, & consequenter excusabitur peste infectus, vel quia non habet copiã sacramenti, vel quia moraliter censetur impotens, & ita non violabitur ius diuinũ, quod cum affirmatiuum sit, non obligat ad semper, vt loquuntur Theologi, sed occurrentibus moralibus circumstantiis.

Nec tunc etiam ius humanum præferatur diuino, sed occasione iuris humani tales oc-

les occurrunt circumstantiæ morales, vt
ius diuinum affirmatiuū tunc desinat obli-
gare, quod frequens est in huiusmodi præ-
ceptis.

Dices tertio. Si superuenientibus hære-
ticis sacerdos in altari existens sumpsisset
speciem panis, & antequam sumpsisset spe-
ciem vini, cogeretur sub periculo mortis fu-
gere, timeretur quoque, ne calix ab illis
per terram funderetur & indigne tractaretur,
laicus præsens aliàs bene dispositus,
teneretur illum calicem sumere, quidquid
dicat (a) Sotus: ergo & in nostro casu Sa-
cerdos non solum potest, sed debet ægro in
illa necessitate constituto hoc sacramentum
sub specie vini porrigere.

& Negando consequentiam, quia tunc
longe est maior necessitas conseruandi ab
irreuerentia sacramentum, quàm
communicandi æ-
grum.

Z 3 QVÆ